



10831

馮東田漫稿卷之六

東田馮中錫著

沙溪孫緒評

筆山文三畏校

北園早春即事

北園風景藉西陂春到柴門半啓時
枸杞井荒垂亂綆薰葭地煖卓新錐
冰消水鳥來偏早風勁林鶯轉尚遲
六十二年行役客暫携酒伴此尋詩

評云三四未
經人道

東田漫稿

六卷

乙

春晚西園即事兼憶舊遊

高捲風簾乳燕通小橋流水宅西東
落紅滿地桃花雨飛白漫天柳絮風
總角將車雙健僕蒼顏醉酒一衰翁
可堪屈指年時客零落生存半不同

早春至自京師再遊半里橋別諸親舊
又携鷓鴣榼岸烏巾柳市南頭探早春
薄酒似柴難醉客小橋如甃可通人文
惟能淡情方久詩不求工意便真明日
南舡向南去故園回首隔紅塵

登樓憶黃士華

獨上危樓思渺茫，是誰吹笛向山陽。春風爐
在安豐感秋水，陂空叔度亡雙屐。不來穿柳
逕，一棺猶自殯茅堂。西壕往日同舟處，冷落
桃花兩岸香。

評云：不勝悲愴，三四用姓，亦不
牽強。士華善釀酒，故云。

自酌心懷，去年按遼東，今赴
南都，故詠聯云然。

萬頃春濤一酒壺，春風拂面有還無。鳥聲東
徙人猶惡，鵲影南飛我共孤。官謝朝班猶寓
洛，病多藥裹未逢盧。廟堂已有羣公在，早

東田漫稿 一六卷

晚吾當乞鑑湖

偶成二絕句

萍踪無定已多年，剛自遼西到

日邊。一席坐來猶未煖，殘書孤劍又南船。

買得南船二月行，一篙春水夜來生。沙頭別

酒無多酌，醉後哀吟滯去程。

評云：婉曲有
風味。

家園見梅

一別梅花四十秋，巡檐今日豁雙眸。出塵風

韻依然在，却笑時人已白頭。

西壕寓目

金柳搖隄水拍橋東風拂面凍全消酒船未
放人猶病碁局長閒客費招言寡何勞三尺
喙愁多那有十圍腰眼看春色紛紛去芳草
連天古道遙

評云

起結好只作絕句尤妙

臨清舟中別李醫二絕

載酒清源送我時杏花春雨正如絲明年此
日如相聚一笑西園倒接羅

桃花新水木蘭舟一束殘書一蒯緱載過江

東田漫稿

一六卷

三

南望江北白雲紅日共悠悠

評云

二絕俱是唐人語

清明舟中

去年馬上逢寒食今日舟中遇禁煙
筭老浮生餘六十問程前路尚三千
茫茫淮水遙連海渺渺瀛州近
接天撫景却驚人上塚是誰
一飽乞新阡

評云

好第六句懷鄉戀闕含蓄不露末句怨而近罵且與禁煙寒食多

犯相

安山書懷

遠携書劍上南州樽酒那能遣宦愁蛾撲破
燈焚可待蠅攢故紙出何由山如有約船頭
送水自無情樹底流縱有嚴程風景好此行
元異子長遊

夢李汝弼

野水孤舟月四更
夢君笑語若平生
無端却被鷄啼醒
斜倚蓬窓記不明

張秋偶述

春岸楊花貼水飛
北人南宦幾時歸
九迴腸斷愁還在
一寸心灰事已非
匣劍有靈常恐化
篋書無恙鎮相依
分明亦上揚州去
安得身騎丁令威

東田漫稿

六卷

四

泊南旺湖連日阻風

荒灣斜日艤扁舟
病眼逢春恰似秋
鄉思與雲俱北去
閒愁隨水不東流
為驚旅夢憎黃鳥
未息塵機愧白鷗
明日謫仙祠下過
石尤風定一登樓

評云八句俱好且是眉句不弱

南旺遣懷

蓬底支順對落暉
年年身事與心違
風花度

水愁千點煙柳垂隄瘦一園北若欲歸南且
去今猶未是昨全非逢人欲問江東未可有
鱸魚墜釣肥

評云

韋莊前詩酷似南唐
莊詩觀者當自見

過分水祠

此地殘年又一經
掀蓬垂柳正青青
雲煙斷處山光出
鷗鷺來時水氣腥
市酒一旗風外
裊漁歌雙槳月中聽
同來誰道貞元客
萬慮全灰兩鬢星

舟中聞哭

夜泊分小祠下鄰舟寡婦夫
死南中扶柩北歸前妻之子

東田漫稿

六卷

五

以橫逆加之哭聲
甚哀感而有作

明月孤蓬繫柳陰
卧聞鄰哭思難任
豈知羸婦悲鄉淚
偏切孤臣去國心
昌化道中春黯
黯潯陽江上夜深沉
如何二老關情事
千古淒涼直到今

濟州懷古

白鳥雙飛柳一灣
濟州春盡水漫漫
謫仙樓在風煙古
賀老城荒歲月閒
誰復脫靴眠市
上空聞舍宅厭人
間嗟予本亦踈狂
者逸駕飄飄不可攀

齊州感懷

風氣南來覺漸暄濟州鷄犬接荆門數竿酒
店通花市一葉漁舟繫柳村官岸蛙鳴湖水
闊女墻鴉集郡城昏分明記得來時路欲擬
歸期未可言

評云

中聯瀟散開
曠勝前篇

魯橋道中

孤舟無定欲何之小泊沙頭送目時春水已
肥魚未上暮雲將盡鴈何遲一程風物憑詩
紀千里家山有夢知行到天涯非是遠春明

東田漫稿

一六卷

六

猶遠似天涯

評云

結句含
蓄感既

途中次任相之太守韻三首

建業山川本

帝鄉春風吹我上官航琴并古劍都三尺詩
雜殘書共一囊驪驥縱令還北塞葡萄安肯
博西涼白眉老去無才思空愧詩人說最良
柳禪花殼二月天東風作意送南船青山到
處為賓主綠酒誰家問聖賢老我春愁深似
海多君詩思湧如泉相逢遮莫頻相勉無那

衰殘媿俸錢

一麾遙上木蘭船
隄柳凝寒色未妍
燕薊北瞻山
拔地淮陽南
去水如天
本兵久玷無長策
邊境曾孤委
重權為語同來賢
太守偶裁詩句不須傳

和任太守二絕登隄

物候南來感宦遊
柳隄閒步豁雙眸
水邊鷗鷺應相笑
汝已功名到白頭

過沛

猛士韓彭古亦希
楚猴不戰潰重圍
如何過

東田漫稿

六卷

七

沛誅夷盡却恨
風雲海內飛

貽相之二子長希賢
次維賢

當日城南送阿符
一篝燈火一牀書
恠來頭角崢嶸甚
曾是龍門點額魚

此子當年氣食牛
早傳家學擅南州
秋來丹桂如高折
持取添修

五鳳樓

過徐州次相之韻

弘治甲寅春予勘事南郡留此十日今十

四年矣乃獲再經偶兩阻風輒軒長句

沛泗依然繞郡城
重來華髮滿頭生
年光逐

水都流盡風景惟山未變更碑斷偃王祠下
石草荒桓氏道旁瑩孤舟載得春愁客為阻
南薰鎮日橫

阻風自遣

日日顛飈阻客程短蓬孤倚若為情河流似
不教南去天意如將挽北行已惡舟人占五
兩虛勞津吏報三更故園何苦不高卧却逐
風波役此名

贈答任太守用其韻

詩家幽穴許君探老我才疎祗自慚黃鶴調

東田漫稿

一六卷

八

高真寡和雕虫句好莫多貪葫蘆久作文章
樣橄欖遲回齒頰甘偶爾南來同笑語老坡
安敢屈陳三

評云

體裁只是宋詩然調
清律熟亦自可喜

晚泊孤村風雨驟至

在新安
南十里

千里關河一葉舟黃昏風雨繫沙頭人家住
遠漁燈火客路來遲酒旆收歎老夢中還作
夢憶歸愁上更添愁明朝解纜乘流去猶及
殘春過楚州

倒用相之韻追和途中之什

人家鑽燧火初傳。獨客傷懷酒失權。走水浮無定。日流行坎止。總由天。春洲魚上蒲。猶短曉岸鶯。遲柳未妍。題罷新詩。催柁叟南風。如靜可開船。

評云五六俊語

阻風

颶風終日阻。修程雪浪船。頭十丈騰。安得韓公重作訟。任逢宗慤恐難乘。空林夜聽奔千騎。大海晴疑徙一鵬。自古浮雲能蔽日。吹開分寸又何曾。

東田漫稿

六卷

九

次韻答任太守

緘題草草更匆匆。日日詩憑小豎通。正喜方舟來薊北。却愁分袂向江東。水程濡滯還多雨。花信依稀第幾風。同是天涯微服者。何時鳴珮大明宮。

評云

第六句對得自然。并上句覺妍。

次韻別任太守

淮南春色苦無多。客裡逢君柰別何。折盡柳條情未已。酌殘蕉葉量拚過。病駒起後徒羈此。雙鯉公餘肯寄麼。愧我贈詩還草草。不須

持向大方歌

渡江偶述

片帆再涉大江流，慚負歌牛欲畫牛。八座一
毡猶未煖，百年雙鬢已先秋。鷓鴣附熱寧為
智，蟪蛄升高豈善休。分付舵師須記取，茲行
不是子長遊。

江口短述

江水微茫閣重來，十四年風光還似舊。人事
大非前，雲樹遙連海。星辰倒浸天，曉來沙嘴
立一鴈，正驚弦。

東日漫稿

六卷

評云五六
曠遠

輓紀宗直

西楚移家上郡來，元宗人物掇科才。官資不
次超，東署曹務能修振。北臺老約帶圍驚，晚
重阿符書卷喜重開。平生故舊唯予在，短些
吟成益可哀。

送呂秉之太常考最

當年

右掖知中舍，此日南都餞。太常家學舊推文，
穆齋僑居猶仰鄭公鄉。一官留寺持清重，再

駕京塵識軟香書最自來歸長職上卿應
簡在巖廊

壽建業羅繡衣乃翁七十

簾捲薰風啓繡筵烏巾白髮照華年幽居舊
近周顥宅高壽新題杜甫篇詩酒一生狂老
子山林終日小神仙阿符况東南臺節此度
稱觴豸服鮮

送白尚文通府還安慶

秦淮新識面瀛鄴本同鄉傾蓋情如故開樽
話更長梅中完部檄花外發官航咫尺同安

東田漫稿

六卷

十一

路人歌倅府良

南都官舍寓懷六首

不類山林不市朝煩襟頓向此中消疎鐘夜
聽長干寺美酒晨沽白下橋穿柳買來魚尚
活隔花驚起鳥偏嬌主人自是他鄉客撫景
纔懽又寂寥

評云

第六句謂花中鳥起并鳥見其嬌耳

一區官舍

禁垣東岸幘朝朝退自公十日不晴梅子雨
五更猶惡棟花風開蔗謝燕歸來早看畫陶

紅
字出處同百計挽春春不住石榴新火出蟾

評云結語雄渾可愛

竹蔭幽窓柳蔭門衙回人散寂無喧好山捲
幔雲頭出流水通池雨後渾花落小簾驚旅
夢茶香深枕醒吟魂朝來更覺踈狂甚曹務
逢人亦懶言

評云結未

門臨流水夾垂楊庭院深深畫景長青竹安
梢山雨重綠荷翻葉水風涼青憎燕入衙沿
東田漫稿 六卷 十二

浣花喜蜂來帶蜜香造物似知人健作故令
官拜水曹郎

評云佳作佳作結亦似火弱

酷暑蒸人坐一齋竹間風細八窓開嫌籠好
鳥驚初定被扇襲蠅去後來水挽果沉朱李
水寶爐香冷白檀灰南中不是無佳况苦憶
萊家避暑杯

居第分明類浣翁日高門巷火入通睡殘節
過黃梅雨坐久炎侵白苧風五字有詩題畫
扇一弦無力軟調弓斃食揮汗何時已短鬢

青松在望中

賜歸

江上南風送北船

九重新命許歸田，在官八十有餘年。
日筭老六旬餘，二年建國丹楓辭。

闕下故園黃菊待籬邊，行囊一物都無有。
唯貯聃翁止足篇。

評云

首聯頗似南唐後聯，當勝恨結句差露耳。

菊莊

九日壽周官人

為抱柴桑趣，幽居種此花。寒香生老圃，秋色

東田漫稿

一六卷

十三

在誰家。小徑風吹急，疎籬月照斜。年年傾壽

酒，一醉落烏紗。

野梅

雪後幽人屋，寒梅一樹花。任他桃與李，開向

五侯家。

柳樹

自種門前柳，摩挲已十圍。春來花似雪，不向

灞陵飛。

評云

結句好

大道

大道公然直行人自不由田間能幾近終日
奪踐牛

評云尾句委曲
前二句直

城市

忙人城市住恨不住青山聞說山中客時還
憶世間

評云格老真唐人詩
也 不勝敬服

丁鴻臚孝思榮養卷

夢松家世重朝紳留寺名卿 寵渥新

鸞誥恩貶先僕正鴻臚祿養太恭人長年雨

東日漫稿

六卷

十四

露宜護草終古風霜感大椿屈指三堯兄弟
後萬鍾誰復逮雙親

臨行題寓舍壁

敗壁吟蛩切踈櫺顧兔過明朝子又去此地
閱人多

途間戲簡王大宗伯

江水微茫湖水闊黃河湍急漕河長來無授
節并乘傳安識尚書與侍郎分野更須瞻析
木歸程時復問柴桑謀生况乏千金術空媿

臨夷一葉航

評云

三四備一時故實
逆瑾時峻刻如此

贈同年張用和陞南京右都御史

烏府新街

御墨題老驄搖鬣南嘶冠籠白髮仍栽豕
帶束黃金又換犀憲節遠辭

雙闕下法星高燭太垣西此行聞近鍾山住
肯讀移文不一躋

秋日歸田十首

南都解官抵家秋暮載
酒西園舊遊漸少感而

有作漫
錄於此

門掩荆榛屋覆茅歸田風景屬秋高黃雞入

東田漫稿

一卷

十五

箸偏逢肋紫螯持盃更得螯性僻每因拘曲
禮才疎安敢著離騷客來若問行年幾潦倒
先朝已二毛

評云

第三句第
六句好

休官高卧舊煙蘿紅日三竿雨一簑間數社
中同葦少拜驚林下後生多青尊已辦且須
醉白髮不饒將柰何向晚出門溪上立漁歌
肇斷水增波

兩足浮埃兩鬢霜歸來料理舊茅堂竹符歲
晚梢還綠柳到秋深葉盡黃詩癖未痊添傳

癖醉狂纔罷即醒狂閉門數日無人過嗅遍
籬花秖自香

倦遊南北喜還家身未龍鍾髯已華失匕不
須驚霹靂隔船曾亦聽琵琶寒花繞宅幽香
細老竹當窓瘦影斜睡起午橋無一事流連
杯酒是生涯

評云

五六是田間
鄉人氣味

家在瀛南解綬還暮年贏得一身閒荒園載
酒無兼味老屋藏書有半間謾擬裴公開綠
野常懷白傅徃青山疇咨不預將迎少莫怪
東田漫稿

一六卷

十六

柴門盡日關

評云

第六
傷子怨

懶向

東華逐軟塵束書歸卧壠頭雲酒能中聖過
三斗錢不通神祇一文藜杖芒鞋行處穩松
風竹雨坐來聞今秋却喜詩逋了瘦比黃花
較幾分

清世無能早掛冠一竿獨釣子陵灘白侵洲
渚蘆花老紅減園林柿葉乾婚嫁已從中歲
畢朝參無復五更寒村行社飲惟常服猶恐

人疑舊是官

寸心無愧一身輕
接老林間見太平
敢謂韓公全晚節
政憐崔氏喪初名
詩因設典驚人少
琴不常彈對客生
唯有舊時雙白眼
夜深燈下讀騷明

嘗因一病卧滄江
又負三宜返故鄉
舊藥尚存薑桂辣
新衣初製芟荷香
籠開夜月歸閒索
樽倚秋風美索郎
猶幸老來身健在
帶圍不減舊時黃

評云

間客索即對偶
巧第四句好

東田漫稿

六卷

十七

六十懸車尚恨遲
故園朋舊數歸期
世情已任門羅雀
身事何勞案拂龜
柳下棠舟花下酒
松間茅屋竹間茶
短筇高屐風晴後
是我掀髯自在時

過扁鵲廟

丹臚道旁宮鳴鍾
祀醫扁老翁
持辨香僕僕
拜戶限稱扁能活人
班班載經典
中包醫國心
外具洞垣眼
千秋藥尚靈
粒粒瘞壇墀
掘土恒得之
服而病如剗
子謂老翁云
茲人世良鮮
當其擅術時
不顧衆工赧
李醯如其能

刺客暗中遣遂令亘古今秘方失編簡疲癯
無所依大道日以殮老翁聞此言不覺淚雙
潛因說村落中有醫如禁鬻自矜才藝高妬
忌彼不淺幸扁不生今生今亦難免我聞心
悚然狀類倒執板長揖別老翁嚴程吏催踐

評云

賦而此體

車過

盧溝橋望京師漸近

時予被繫

檻車撼頓路坡陀驛吏催程縣卒呵敢謂士
師囚管仲自驚廷尉繫蕭何

鳳凰城近囂塵起虎豹關嚴積雪多試問盧

東田履稿

六卷

十八

溝橋下水幾時冰半湧春波

評云

佳作佳作可傷可恨

謁獄神

咎繇古賢聖厥狀如削瓜佐帝明五刑千載

稱之家茲神刑頗肖藍面叅呼爺居然受香

入祠鼓日再搥寶幡揭危棟大字題龍蛇拜

瞻盡囚子頸繫而首髮匍匐叩禍福一一應

無差所以人起敬致籤擲橫斜我來一再謁

長揖手重叉問神神試聽近法何外耶苞苴

忍成笑檻縶嬾變嗟平刑苟如此何以承勳

華神聞斯語已瞑坐垂絳紗鬼吏叱我送謂
咎去已遐此固蕭相國為祠歲年賒昨暮偶
得代凡今屬內衙神自九天降尊嚴不可加
幸其聊假寐汝退慎無譁我聞耳良駭我眩
眼良花跼踏出門去史巫賽狔獬

評云語頗奇似亦少露

獄中自述

月冷風酸驚柝過園籬可柰夜長何痴蠅攢
紙無由出倦鳥投林又被羅誰以清汙明北
寺自甘愚昧繫東坡平生萬卷都忘盡剛記

東日漫稿

六卷

十九

金滕載偃禾

獄鼠

鼠頰且點入夜群行榻前獄中無緇駟之不得踞筒連榻者

老屋閉門昏牀頭鼠似豚欲投還忌器纔睡
又翻盆多穴勞吾塞停燈待爾昏是中猫不
到無怪夜喧繁

評云

通篇自

出關道中

時解赴遼東陪帳

帶索阻北荒剛腸愁屢絕日暮塞風高鬢鬅
盡吹折獻鹿計已非冥鴻志徒切引領睇鄉
關潛然淚成血

評云

若情苦事語極悲哀

至廣寧贈毛總戎

日下才名聞外權漢家諸將更誰賢建牙吹
角東臨海掃穴犁庭北到天龍虎風雲遭此
日山河帶礪誓他年不知橫稍從容處肯念
詩人飯顆前

評云

八句句稱可傳

傳舍

破榻蕭然老屋中四簷山雨一窓風夜涼獨
對殘燈坐家在瀛南夢不通

東田漫稿

六卷

廿

憶家

乞

恩辭犴獄嚴譴赴龍沙四月邊頭冷行人正
憶家

貽余星士

臺省榮華瞥眼空邊頭邂逅李虛中不須更
說雲程事傷翻難禁九萬風

評云

心無愧怍故實如此

示黃少卿

山連蒼莽水連天老我重臨北塞邊久客忽

逢黃叔度多讒應念馬文淵
戍鳴遠角昏將旦壁暈殘
燈夜似年愁極便思浮海去
風濤爭阻建安船

評云

三四用姓氏亦自然

陳記室乃翁壽卷

蚤傍鍾山學種瓜白頭

恩許岸烏紗臘驚莫莢纔三葉壽獻蟠桃定
幾花

聖世衣冠推此老舊都文獻更誰家嶺南有
子呈新卷草檄才高衆所誇

東田漫稿

六卷

廿一

逆旅述懷八首

衰老羈逆旅愁抱若為開
白髮星星出丹心歷歷灰枕涼
山雨過窓暗海雲來時禁何勞
密原非攬轡才

評云

五六

枕上聞殘雨幽窓尚未明
一雞啼遠埭雙角起邊城
衣潤塵生遍庭早溜積平羈人睡將
午恰限早炊成

兀坐支頤久空庭客到稀
溪雲歸尚濕山雨住先微
命拙計還拙昨非今更非
故園何處

走回首淚沾衣

秋宵官舍靜，簷外雨浪浪。有夢歸綿上，無詩感岳陽。燈昏低掛壁，枕冷獨欹床。明日連陰散，天風滿北荒。

評云

八句俱佳

獨驚殘暑退，身尚客遼東。隱几簾移日，披襟扇引風。庭蕪隨晚綠，林葉未秋紅。白帽何勞會，歸心付短蓬。

爽氣入秋城，偏傷久客情。半窓山月影，一枕塞風聲。酒薄愁難遣，機危夢亦驚。白頭同難

東田漫稿

一六卷

廿二

者相對話平生

驚心嚴譴地，屈指早秋時。海闊潮來遠，城高日上遲。官厨殘鼠矢，老屋富蛛絲。聞道黃花近，還家或有期。

評云

三四好

砧聲暮不休，時節又驚秋。老去慚蕭傳，悲來類楚囚。露涼花黯淡，風急樹颼颼。本是歸田客，邊城可久留。

自述

四首

細推時事暗驚心，破榻通宵坐擁衾。半滅殘

燈風燄短數敲寒鼓雷聲沉身危未得何侯
力形悴猶存夏馥音愁絕便思浮海去滄波
不似往年深

案頭書卷午拋時兀坐空堂有所思情屈九
原諸漢黨才高千古一相纍踈簾避燕經旬
下戍角連烏入夜悲試問歸期何以卜青銅
黃色見雙眉

歲晚虞羅苦見侵自悲踪跡類傷禽將飛恨
少冲霄翮久繫難忘在野心智比鷓鴣棲始
穩才高鸚鵡禍尤深何時得放山林去占取

東田漫稿

六卷

十三

安枝作好音

海色邊聲起暮愁客程終日此淹留憐才士
少誰青眼同難人多半白頭勢已踉蹌逢晉
大身還蔽棘類齊牛而今若許歸田去直問
劉伶乞醉侯

評云語結好

肩

玉塵同塵暑氣消象牀筠簟總徒勞茂弘持
障塵應遠逸少閒題僧頓高明月製來歸素
楮香風歌罷醉仙桃炎涼世態多番復巾笥

清秋亦暫韜

梁燕和張都憲韻

坐看海燕又將雛詩興撩人不可孤綠野別
來秋社近一巢時復憶東都

評云

細媚不見怨
意態乃更深

用前韻言懷

少日虛名比鳳雛老羈窮塞此身孤相逢莫
當胥靡看曾亞尚書歷 兩都

人間腐鼠赫鷄雛老我丹心一寸孤莫道塞
垣為客久去年飄泊在 南都

東田漫稿

六卷

廿四

一年不弄老萊雛千里家山入夢孤遼海東
來問阜下此中元是古幽都

賦得鶴再用前韻

恥隨掇粟混凡雛獨立高松性本孤風景殺
來知也未薰絃無復奏 清都

再用前韻言懷

塞遠胡馬獵胡雛遠客驚秋思益孤爭及白
頭劉夢得桃花淨盡到玄都

食瓜有感

東陵人惠此賜病頓令安香嚼清水片寒疑

碧玉團熟時防免擾食處恐蠅殘莫恨葵丘
成秋來得代難

詠錢

一一皆銅臭斑斑帶土痕俗訛稱古七字缺
認開元挑杖誰還健看囊此僅存書生輕阿
堵何物入金門

蝴蝶

纒離東圃即西園風軟花香日正暄飛過畫
蒼休孟浪如輪蛛網掛黃昏

評云亦以自傷

東田漫稿

六卷

廿五

十

喜舍姪周詔至廣寧

侵晨聞鵲喜小阮故鄉來時事低聲說家書

忍淚開倚門親待養舉案婦期回何日蒙

恩赦高堂獻壽杯

評云痛甚所不忍聞

鑿巫閭山賦

戊辰歲秋予以邊儲速繁
廣寧傳舍望鑿巫閭山甲

餘不獲一陟感而賦之又恨窮邊闕
書考楊姑憑記憶成章恐未足以盡
茲山之勝也

昔有虞之協帝表茲山以鎮幽視公侯而一
等嚴祭祀于千秋匪後世之瀆禮託乾封而

漫遊矧其自兩儀之肇分與五嶽而並峙仰
則絕頂干乎天樞俯則深根盤乎海涘圓嶠
招而可來狼胥伏而敢起草木紛披于四特
日月蔽虧其萬里左通貢于辰韓之區右接
壤于燕冀之鄙面鯨波以稽天漢背龍荒而
訖地理此則職方氏之攸司而鑿巫閭之大
指也若夫廟貌崢嶸則贍於有衆褒封稠疊
則侈于累朝建寶籙以懸金榜擊靈鼉而吼
蒲牢威靈降而聰明正直形勢聳而巖巖
崑崙為斯人禦灾而捍患豈他山絜大而比高

夫何海桑變以靡常歲月流而易邁自漢氏
之中衰淪于夷而可慨烏桓乘莽亂以并吞
慕容廆因晉衰而見背肆拓拔契丹之迭侵或
女直蒙古之相代并神州而陸沉將坤靈其
誰賴徒使山囚泣于陰厓而野燒通乎絕塞
者矣若乃高人避難以流寓貴戚釋累而分
封乘玉馬以凝睇歆白帽而慘容莫不痛皇
典之敗績感茲山之不逢嘗追究其所自皆
用賢而弗終顧險壬之是暱致肆毒以窮凶
及河山之不守遂貽恨于無窮嗚呼何我生

之不佞老無慘而邁此欲尋幽而未遑徒反
袂以蒙恥苟吾道之將非起古人亦徒爾揖
山靈而致辭或庶幾其諒只

評云

歷叙山之竒大尊而因以悲其不遇皆以自况不怨不激老成爾雅

律賦之體正如此

贈張都憲用和

丙寅年作

青海年年傳虜箭邊人裹創猶出戰將軍失利

天子驚側席思賢坐忘勸中州廉訪跼弛才

即日

東日漫稿

六卷

廿七

了

召見金鑿殿一官超次授中丞千里先聲歡
組練犬羊竊伏黑水濱

上勅中丞容自新胸中兵甲姑勿試沙磧第
可敷陽春巨酋消蠻最雄驚看率部落來稱
臣腰闕十圍身八尺虬髯猿臂無等倫中丞
下車坐戎帳虎士干將屹相向指天諭以柔
遠恩以及

九重能將將諸酋羅拜諸部降從此煙塵息
亭障

朝家無憂邊境安功業直超頗牧上便宜十

二遂留田并築塞垣延海墾耕守之人勞
廟筭捐金募士萬五千草肥胡馬牧無計黍
熟農豚祈有年脩攘兩盡賢聲著方召遂能
專美前我今授鉞中丞後欲襲芳馨慚鄙陋
鈴閣公餘閱簿書就中忽見當時奏結盟回
紇携吐蕃坐困先零全隴右此事千年今再
逢金貂會見酬勲舊

評云句律
老成

夜坐聞雨

夜雨響踈林羈人擁衾坐墻判薜荔侵庭恐

東田漫稿

六卷

廿八

芭蕉破鳴雷瀑行行鬧階珠箇箇燈驚鬼鳥
啼簷擬神龍過湮瓦聲暫微打窓點還大溜
頻勞夙興聽久廢秋臥剪燭話無由淋鈴悲
豈那閉門學饑鳶吟入招魂步

二評云苦語愁思可
以想見其情

蜈蚣

出關隴事聞
茫茫彼洪荒初忽生槃瓠種殪父紇南山潛逋

帝乃嘆磔死葬無塚化為不僵虫主足一何
詭託吳公見者咸駭悚懼膚痛董

饌毒流冒蠶蠶非所倫
蝮虻豈其彙想當螫
人時有衆誰不畏君子固吞聲
壯夫亦喪氣悠悠倏仰間
遭此甚念謂主人新卜居地卑
多瓦礫客欲歿斯虫木
一立壁歛鍾一以施堂墉
迆陸離忘器罍不換世情日
所擊忽朝風雨不
地轉霹靂竅火燒
柱覓小醜鉗伏詠端居
願驚惶我忘回主心
亟擇高明棄此汁下區
亦無
得清寧官
勇情忌初延朝恣
高枕夕文
睡從此無一憂
將來定多瑞詩成還自吟
東田漫稿

媿卯模字

壽劉節堂

花甲周來三九秋
重開賀宴海東頭
梧桐金井涼
初到莖蓄公塘
著漸收都憲
兩朝誇繡斧
理卿三載臥林
立從今整頓邊
疆了還擬
罷肩侍

晁旒

示廣寧吳州判

幾年兵季子
身尚未龍鍾
析木津頭別
登閣山下逢
舊官知佐郡
新業喜歸農
樽酒留連

慶空齋日下春

書扇贈徐正郎

今年錐并無猶自辨官逋海內逢君晚天涯
念我孤顛風林鳥墮腥雨壁蝸枯安得逃名
去餘生老鑑湖

評云

起語打諢可愛固自不經人道也五六雖自况至理亦只如此

積雨忽晴

山窓聽雨坐愁似天來大西風忽放晴吹得
芙蓉破

評云

五言絕句似此亦可喜較前數絕獨勝

東田漫稿

六卷

三十

秋懷

閉門今雨霽一葉忽驚秋故國人稀到邊城
客久留詩窮吟更苦酒薄醒還愁回首平生
業都成海上漚

題傳舍壁示吳生

悵望窮邊一鴈飛邊人煙火雨中微詩書避
難還從講田里何時可

赦歸大字斜行題傳舍清秋長夜夢慈闈十
年心臥滄江晚豈待而今願息機

評云

懷抱可憐使九重聞之亦當興念

塞城秋夜

塞城秋夜靜涼思滿虛白踈漏風前滴遙鍾
月下撞蛩聲欺獨枕蛾影戀殘缸不是清無
寐歸心未即降

評云

欺字戀字二
謝眼甚工

臥病

海國逢秋早山城臥病初身衰難強藥手勸
易拋書社燕辭巢近江鱸入饌踈何時消渴
愈還返茂陵居

評云

結語情
思可念

東田漫稿

六卷

卅一

秋熱二首

官舍朝來熱何曾枕簟幽青蠅多可惡碩鼠
黠難投空復思班扇無勞覆鄂舟願言風雨
至一洗碧天秋

秋日臥藜牀餘蒸滿舊堂燕巢猶附熱螢扇
未知涼海氣連城暗山形出塞長白頭徒繫
此深媿漢鄒陽

張大尹載酒

明府朝騎馬城西訪故侯扣門聞剝啄載酒
慰窮愁滄海魚龍冷間山草木秋頽然拚一

醉萬事付悠悠

娉辭

掉臂橫行兩目瞋
水鄉魚鼈是比鄰
豪隨鬻壘欺秦鬼
怒搏於菟比晉人
有沫煦珠還易
戒無芒輸海定難
親風流吏部今顯
賴左手休誇味最珍

八月九日雨徹夜不止

欄外雨淙淙
山城秋夜長
孤眠無靜耳
百結有愁腸
疑近薰葭岸
知侵薜荔墻
曉來開戶視落葉滿階黃

東田漫稿

六卷

卅二

評云

起句俊逸似唐人語後六句亦稱

書懷二首

一臥邊城晚天時
人事殊長貧
關桂玉臨老
尋泥塗聲渺雲中
鴈光遲海上
鳥不知梁氏
獄還許上書無

評云

足稱佳作後四句尤可傷

末路親知少
天涯形影孤
久遭尸譜
愬敢恨
鬼椰揄囊在
千金盡家
遙一字無
此心徒耿
耿何計出泥塗

咎雨

閉門連夜雨曉起尚霏霏海日光難見山雲
勢未歸生柴歎午竈爛葉擁秋扉憑仗西風
急吹教九土晞

評云

八句俱好
三四尤好

十一日再苦雨

歸思阻秋霖黃昏門巷深淋浪天似泣沮洳
地將沉窓下愁人耳燈前故國心今宵都滴
碎何計破頑陰

評云

不成
前詩

重有感

東田漫稿

一六卷

卅三

朱芾雕輪白鼻駟黃昏輻湊五侯家酒濃共
學猩猩醉炙美誰將鴉鴉哇

紫禁雲煙千態變金堂簾幙萬重遮嗟予正
墮顛厓苦空憶春風諫議茶

評云

後句佳結尤渾成
將二字欠概

送金遊擊還遼陽

聞君明日去老我失臨岐蹤馬終千里傷禽
未一枝管寧為客地王剪憶家時知異河梁
別情深重有詩

陰雨彌旬中秋偶晴見月

雲鎖廣寒宮
青銅鏡我見再拜之廓然天宇淨何當斬螭
跡更覺清光盛

評云

末句激烈
有風致

旅夜

黃昏山館裏落葉滿窓秋
燈影塵殘夢礎聲
搗舊愁潮回東海遠
斗轉北城幽萬古長如
此令人憶聖丘

邊懷八首用柳韻

層城百雉枕龍荒東望辰韓更渺茫
白草長

東田漫稿

六卷

卅四

坡沙蕩水黃茅矮屋土圍墻
聞笳泣罷還收
淨彈鈇歌殘欲斷腸
為問幼安三十載秋來
風雨幾思鄉

風煙遼隧接中京
歷盡艱危是此行
韎韞塞
邊寒燒入蓋牟城
下暮潮平詩書豈料藏
竒禍軒冕從來亦強名
回首凌河清可濯嗟予
久已卸塵纓

坐對鑿問萬仞峯
煙光疑紫夕陽春
羶裘入漢諸夷貢
玉馬朝周貴戚封
獵火原頭驚成犬
腥風市上販胡繡
不知尼父乘桴去東海

茫茫何處容

九夷部落盡東方迢遞山形接太行漢氏以
來盟帶礪秦皇曾此壯金湯奇鷹入貢

青雲表名馬來經黑水陽不是羈人騷思少
忍看遼海即清湘

評云

不忍將遼海比
清湘愁意愈深

暮程行李困風煙誰料東溟與北邊失水魚
龍秋遁跡隱林狼虎晝垂涎山城酒薄空懸
旆野渡潮回獨繫船多謝公孫虛館待

清時爭比建安年

東田漫稿

六卷

卅五

評云

不減柳詩
結句恨弱

相逢何必歎迷津北塞南關久駐親山館獨
經尋舊主市酤聊醉笑旁人路多坎壈還館
水鬼正挪揄莫問神却怪居夷與浮海當時
幾誤百年身

老悲生計轉蕭然况復身羈北海邊流人看
來秋又暮殘更數盡夜如年鯨鯢曉浴波間
山鴻鴈寒經塞外天猶賴近城風景好數行
衰柳帶踈煙

評云

仁朝敵

出門無路欲何之
掩袂空勞更泣岐
老屋地卑生鼠婦
古墻山近見蛇師
風煙慘淡將終歲
天日清明定幾時
家在甘陵歸未得
每逢南鴈一相思

感寓

莫向燈前歎白頭
報恩三尺有吳鉤
暫縲公冶終宜倩
久繫鍾儀可是囚
初日欲明人共仰
浮雲如散我何愁
高秋倘入榆關去
萬里煙波一釣舟

評云

結語倔強放逸
和以自慰

東田漫稿

六卷

廿六

寄贈甯州判

馬足紅塵遠
人間白髮長
歸田今渤海
佐郡舊樓桑
社酒寒仍綠
籬花晚更香
獨憐翁有子
豸觸與鷹揚

評云

此當是甯都憲
果之父

折枝黃緝二菊插山瓶花久不衰

瓶菊從秋看
入冬一枝清
勁一枝濃
黃金瞿叟初禪相
紺玉真妃半醉容
冷艷未衰滄獨苦
暗香將盡嗅還慵
故園此日東籬下
左手持螯憶舊踪

劉都憲病瘥健行數步和其韻

臥治名猶徹漢宮况今平步坦途中籌邊身
健還如舊退食心閒每自公赤舄躡階光錯
落繡裳鳴珮響玲瓏佇看扶
日青霄上藥餌於人信有功

和栢山壽日獲鷹

未放金籠鷓先歌紫塞鷹化鳩從笑拙攫兔
自誇曾擬就高人養何勞使者徵老來風骨
瘦知共鶴稜層

折枝紙梅二絕

東田漫稿

六卷

廿七

盤問山下凍僵柳誰折連仙花插瓶待我洗
明雙老眼小窓細讀相梅經

評云頗逼
老拙

故園一與梅花別雪擁村橋月暗溪今日山
窓忽相見不知身已客遼西

評云亦自在
可喜

雪中飲酒

曉來寒透紙窓風一夜梨雲入夢中門外雪
深山盡白壚頭酒暖火初紅便乾鴟盃愁何
在更著漁簑句亦工毋怪土人相對說遼西

雲物勝遼東

讀史有感

短日纔消一卷書
春陵創業百年餘
無端孤鼠依城社
千載令人憶本初

客夜

酒醒欹枕對殘缸
愁陣通宵戰未降
一杵曙鐘來野寺
半規寒月墮山窓
身羈遼海終思漢
家住襄陽本姓龐
老去鉄龍無力舞
紅光空射斗邊雙

評云調格甚高後四句尤好每逢陰韻句輒奇

東田漫稿

六卷

廿八

和毛總戎韻

陽春高調破陰寒
惠我應憐末路難
才拙報慚青玉案
愛深疑濟紫金丹
一機錦繡函初啓
滿紙龍蛇墨未乾
當日公孫寧有此
祗勞虛館暫相安

畫屏紅梅花二首

六出瑤花尚未開
紙屏先見一枝梅
驚回斗帳羅浮夢
恐是仙娥暈酒來
羅浮山下月昏黃
曾倚春風試淡粧
今夜畫屏銀燭冷
却啼紅淚濕衣裳

評云二絕俱佳後篇勝

代冒同年和毛總戎韻

海上風煙起暮寒，羈人顛顛去應難。政愁秦蜀鳥頭白，敢羨揚州鶴頂丹。旅舍雪殘衾色冷，邊庭風靜柝聲乾。茲行不遇詩書帥，一榻誰容管幼安。

評云三四切題冒公揚州人也結亦衝口自然此詩勝公自和

和毛總戎遊鑿間山亭之作

嚴公多暇此中遊，亭上風光豁壯眸。四座酒香人語淡，一簾花影鳥聲柔。歌殘天外雲垂幕，飲散巖前月墜鉤。却喜塞塵春晚靜，吟鞭歸去路悠悠。

東田漫稿 一六卷 廿九

紫陌看花百拂埃，是誰直上此亭臺。日長松檜風濤靜，雨過溪山罨畫開。道士叱羊成石起，元戎騎馬出郊來。蒼疆莫報青樽盡，不醉高陽不擬回。

評云二律俱佳

鹿徵佳隴

騎鹿仙人去千年，鹿尚留伏臺。還濯濯食野更幼，幼林出疑巴。放山深訝舜遊，此翁真曠。

達一見卜瑕丘

度索遺祥

花好來南紀根深種
林陵蒸霞光葉葉和露
濕層層偷苦朔兒久降聞
西母曾主人應愛
此避世長雲仍

燕乳新堂

堂近北山開堂開雙燕來
定巢經里社遺卵
應郊襟巷與烏衣接庭唯
玉樹栽祈祈多子
姓一一謝家才

湘筠復秀

東田漫稿

六卷

四十

宿麥連雲熟脩篁冒雨抽
會者高過祖還擬
富如侯老瓦傾銀醉行厨
洗玉留杜陵三逕
裡何必問羊求

送劉儀章省其季父都憲還濟南

塞下阿咸歸春寒襲客衣
平蕪青尚短別酒
綠初肥圖學陳家獻棋從
謝墅圍行臺書可
寄莫到故園稀

評云起句
好

別劉都憲

旅館經春特地寒
遼西猶自繫南冠
感君誼

董公孫度愧我才非管幼安傷翼暫忘林木
曲窮鱗終賴海波寬前途夷險都休問回首
關山別去難

評云懷抱
可念

五月二十四日下通州

遼海歸來兩鬢秋蕭蕭羸馬折津頭不燠席
帽黃塵滿惟愧巾車紫氣浮投筆更無三策
獻看囊可有一錢留到家合種瓜為業又恐
人疑是故侯

後歸田十首

海上還家如獲更生再涉
西園風景如昨喜而賦此

東田漫稿

六卷

四一

信乎人不如藥不
知味蔗之其也

莎逕逶迤接草亭落花飛絮晝冥冥飲酣常
恐客求散睡美却嗔童喚醒竹影日臨移席
坐松聲風過隔簾聽豈知梁燕銜泥入泥却
南華一卷經

評云起語俊麗三四眼
前事却好後亦稱

莫笑歸來白髮新西園載酒倍精神迎眸醉
認花為妓濺齒酸驚杏有仁一賤一貧從世
態無榮無辱是閒身竹間次第開三逕何必
羊求作近隣

高岸綸巾袒葛衫林間風致隔塵凡落花不
掃童奴懶新笋頻燒老子饑學為家貧珍敝
帚書從官罷絕空函陶然一醉還高枕休咎
從人問季咸

小北三間舊草堂客來終日此徜徉芭蕉葉
大題詩遍蒼筤花開撲酒香朔雪未愁東郭
冷千風先愛北窓涼羊裘脫却煙波闊莫道
漁翁只姓莊

案積陳編壁掛琴也知城市即山林酒隨客
量母多酌詩怕人傳却苦吟偶爾笑談非有

東田漫稿

六卷

四二

約從來富貴本無心相逢莫訝貧如洗兩字
平安直萬金

評云

三四人
情也

老怯登高少上樓庭花林葉自春秋喜知報
信憐風鵲拙不能巢笑雨鳩吟社有時還作
長醉鄉何日可封侯狂來故態公然在大字
如奉錄遠持

歸來雙髮白鬢髮風月西軒尚可談舊社訪
人存者半初筵觴客至十三機心已息鷗應
下時節無何鴈又南分付寒花須記取醉眠

籬下我猶堪

秋風溪上一茅茨老我歸來養拙時六十日
酣如可得三千年壽亦何為無巾更墊人前
角有笏曾支客裏贖達矢淵明今不見倚窓
為和結廬詩

小橋南畔小亭東秋入西園野望通載酒共
談無惡客題詩一笑有衰翁雨中甘菊禹花
白霜後安榴壓樹紅留取甕醅緘過臘春來
二十四番風

歲晚田園未盡蕪角巾偏爾稱霜顛一尊酒
亭日漫稿 六卷 四三

盡誰知己萬卷書存祗故吾字不向空書吐
吐歌寧乘醉作嗚嗚倦來熟寐西窓下却喜
槐安夢亦無

評云五六微露怨意
寄鈞陽馬少師

寵重

先朝六十年温公經濟潞公權貞心直射

全滕外

顧命曾承 玉几前纔擬獸樽開綠野又

驚蠅壁點藍田浮雲不散陽光斂誰駕鸞輪

上

九天

評云 讀此詩却想鈞陽風度不覺愴然

對菊

老去悲秋秋已深
寒花霜綴萬黃金
不辭醉作陶公態
祇恐飡傷楚客心
手撚一枝還獨嗅
口占七字更微吟
西風莫漫吹予帽
潦倒東籬思不禁

寄贈楊太守調真定

黃堂太守舊烏臺
此日更賢自

東田漫稿

六卷

四四

上裁父老共嗟何
武去兒童曾逐細
侯來鎮州行部施
新政瀛海題名屬
雋才老我閉門秋色
裏賀章絨罷又還開

烏臺獎勸卷

臨清狄指揮曹殺賊有功

曾挽南山射虎弓
姓名兩度徹臺中
武襄不媿梁公裔
淮蔡惟推李祐功
五夜敵驚狼鬣暗
百年詩美兔置雄
而今

拊髀方求士况復
志林藻鑑公

和周耆老韻

幾人瀕死得生全
行上歸來亦偶然
地辟旋

開三竹逕家貧猶種一瓜田共拚黃犬悲公
子獨幸金雞赦謫仙今日此身方屬我不
高枕北窓眠

悼才汝粟

儒書讀罷讀兵書膽氣雖豪將畧踈授鉞幾
人知呂社什旗無地堇陳餘當時抵掌談何
易此日招魂事可歎獨倚寒林成悵望北風
吹面益愁予

評云

才司空磊落奇偉變談將畧然少踈此詩殆若傳神

新春試筆

東田漫稿

六卷

四五

塵世浮華夢一柯禍羅纔出臥煙蘿窮損得
木遠思痛跛鼈逢橋更敗過屈指舊遊都有
幾驚心來日若無多也知珍重山公啓叔夜
平生素懶何

送三原王太宰致政

八旬年紀四朝臣勲業班中有幾人勁節一
身都是鐵高名千古不生塵是非此去何勞
問寵辱由來認得真賴有華山千仞在與公
元是舊比鄰

四皓圖

胡亥扶蘇事已乖咸陽猶自有殘灰如何不
鑒亡秦者直待商山四皓來

評云

可作
史斷

畫圖小景四絕為韓宗器題

石上題詩

石上蒼苔掃盡時桃花洞口日遲遲美人悵
望不歸去消得先生一首詩

鴻鴈

南來北去自春秋身世飄飄不繫舟愧我平
生太相似老年猶有稻梁謀

東田漫稿

六卷

四六

村景

遠山日落近山雲偶入城闌便返村戴笠支
藤天又晚正勞妻子候柴門

美人新粧

薰風樓閣垂楊晚十里荷花照水紅報道美
人新浴罷銖衣斜倚曲闌東

評云

第一首第四
首綽有古意

10831

馬東田漫稿卷之六終

